

21
45

CUM DEO
DISPUTATIO ETHICA
DE

TEMPERANTIA

Ex adprobatione Clarissimi Col-
legij Philos. Acad. Aboënsis,

S U B P R Ä S I D I O

VIRI, Nobilissimi & Consultissimi,

DN. MICHAELIS Gyllenstålpes

WEXIONII, J. U. & Phil. Doctoris; Juris verò & Phil.

pract. ac Hist. Prof. celeberrimi, & p.t. Philosophicæ facultatis.

Decani spectatissimi, Præceptoris, fautoris & promotoris

sui, omni observantiâ ætatem prosequendi.

Pro Nomine & Laureâ Magi- sterij obtainenda,

Publicè Examinandam proponit

Andreas M. Kinnoræus.

Horis consuetis in Auditorio majori 14. Aprilis A. 1653.

A B O E,

Excusa Typis Acad. apud Viduam Petri Wald. An. 1653.

Admodum Reverendo & Eximio VIRO,
DN. ERICO BRVNNO,
Sacro-Sanctæ Theolog. Doctori Excellentissimo, Super-
intendentia Gothoburgensis Präfuli religiosissimo, ejusdemq;
Consistorij Präfidi eminentissimo; Patrono & Meccenati suo
magno, summā reverentiā jugiter devenerando.

U T E T

Reliquis Reverendis, Clariß: & Præstantiiß: Dñis ac Viris
Ecclesiastici Consistorij Adsestoribus & Gymnasij Leæto-
ribus, promotoribus suis officiose perpetim colendis,

Nec Non

Præstantissimo ac Humanissimo VIRO,

Dn. Laurentio Bagge/ Scholæ
Trivalis ConRectori sufficientissimo, Fautori & amico
suo honorando.

Exercitium hoc disputatorium
in arrham grati animi dat de-
dicatq;

Andreas M. Kinnoræus.

Auth. & Resp.

C U M D E O
D I S P U T A T I O

D E
T E M P E R A N T I A.

Quod de hac proposita virtute disserendum, brevis sim & proinde fortè intricatus, quin mihi aquis or qui vis censor vitio vertat. brevitas temporis pagel larumq; injuncta paucitatis ratio, me, reor, excusaturn ibit.

T H E S I S . I.

Huius meo brevitati studentis instituto primum requisitum necessarium, vocis homonymie declarationē, judico, quam ex coll. Eth. Nobiliss. nostri Gyllenstålpej (eius ductum quantum potero sequor) depromo; ubi triplicē potissimum meminit temperatiæ acceptiōnem: 1. Generalem, quamlibet virtutum affectuumq; moderationem denotantem: 2. Specialiorem, virtutes quasvis, corporeas voluptates ad mediocritatis normam revocantes, comprehendentem: 3. Specialissimam, quæ hujus est loci & sequenti thesi definienda.

e. *TEMperantia est virtus Ethica, quæ voluptates ex sensibus gustu & tactu fluentes debitâ moderatione desiderantur honeste & usurpantur.*

3. Generis locum obtinet *Virtus* & quidem Ethica, non enim habitus hic infusus sed acquisitus intelligitur, qui à principio quodam interno, quod est ex reliquijs primævæ hominis integritatis, nō tam facile suā sponte, quam facilius certis adhibitis fluit medijs. *Virtus* enim infusa plerumq; est *Theologica*.

4. Differentia vero ab objecto petitur, quod duplex data innotuit definitio; Externum & primarium, ut sunt voluptates: Internum vero & secundarium, sunt earumdem (puta voluptatum) cupiditates ac desideria, nec non dolores, qui proveniunt ab earum frustratione.

5. Cum vero voluptates varie distinguantur, haud inconveniens videtur, adhibita distinctione, hic indigitare quenam earum propriam conditionem, quaeque assumpta, vel quae non, sint objectum daturae virtutis.

6. Non itaque animi sed corporis voluptates, nec hujus internorum, sed externorum sensuum: trium horum indirecte, visus & auditus per accidens, olfactus vero secundarius; duum vero reliquorum, gustus & tactus directe & per se primarium illud constituunt objectum. Ita tamen, ut circa tactus voluptates, ut poterit quae diurniores, magis quam gustus, versetur temperantia.

7. Hic tamen observandum, Serviles tantum tactus voluptates, quae certis corporis partibus, ut potest, genitalibus, lingua, palato, gula & ventre; non vero liberales, quae toto corpore percipiuntur, veluti frigefactio, calcactio, frictio, lotio, unctio, hic intelligi debere.

8. Voluptas insuper gulæ & ventris, cum in communem & naturalem, quae conservationem individui vel speciei per se intendit: Et propriam seu accessitam, dispeicitur, quae a natura simpliciter insita non est, sed pro lubitu asefactione varie variatur, sciendum est, circa hanc quam illam plus temperantiae negotium esse.

9. Cum dolorum, in constitutione hujus virtutis objecti, facta sit mentio, idemque fortitudinis statuantur objectua, notandum venit id fieri secundum diversum respectum. Privativæ natumque considerati sunt objectum temperantiae, Positivæ vero fortitudinis: id est, quatenus fortis

fortis dolorem morbi, paupertatis vel mortis, fortiter fertur. Temperans vero propter denegatas vel subtrahetas voluptates corporeas, immoderatae non dolet. Primariò itaq; fortitudo & per se, Secundariò vero temperantia & per accidens, dolores respiciunt.

10. Ad varietatem autem objecti, variae quoq; temperantiae species. I. Voluptatem quippe gustus concernit frugalitas, que est temperantia moderans appetitum ciborum & potus. Et haec in Sobrietatem, quae mediocritatem potandi; Et Abstinentiam, quae mediocritatem vescendi, servare jubet, subdividitur.

II. Harum circa utramq; hoc oritur dubij, Temperans an sine virtutis jactura, convivia celebrare ijsve interesse possit. At solvi potest accommodata distincione inter convivia honesta, tempestiva & sancta, quae semper licita; Et inter tempestiva, luxuriosa atq; dishonesta, quae temperantiae pestis sunt.

12. Quod si vero scandala, non raro, illecebrae, peccandi etiam in convivijs licitis occurrant, fit id per accidentem. Tollatur ergo abusus, & laudem usus habebit.

13. Et cum in convivijs non infrequens sit ebrietas, non diffitendum, cautè circa eandem cunq; nomine temperantis gaudere volenti versandum esse, & proinde famosa vocis significatio probè notanda.

14. Estenim 1. hujus vocis acceptio metaphorica, & vel in bonam partem sumitur, quando eadem lassitia & gaudium spirituale significatur, ut in S. Scripturis usitatu, Psal. 36. v. 9. Vel in malam, pro vehementiori animi perturbatione, aut stupefactive, que à rerum secundarum titillatione oritur; ut quando quis fortunatè ebrius dicitur, ut philosophis usu venit. Quae ebrietas siccæ duci solet. 2. Accipitur pro ebrietate naturali, quando vinum moderatè sumptuose, hominem exultat & refocillat, & haec non est prohibita. 3. Accipitur vero rigorosè dicta ebrietate, que est deliratio ex vino orta, & haec prohibita est & odiosa, que si affectata fuerit, damnata redditur & inexcusabilis.

15. Ex his jam positis haud obscurè colligi potest. Poculum necessitatis & sanitatis omnimode esse licitum, honestatq; nullatenus repugnare; Poculum verò hilaritatis certis sub conditionibus, neimpè, si tempestivè & modicè sumatur, ut honestum permitti.

16. II. Voluptatem, taquas tantummodo, respicit castitas, quæ est temperantia pudicitiam conservans. Hæc rursus tripliciter subdividi conservavit.

17. In (1.) Virginalem, quâ puritas virginalis inviolata obtinetur.. Et (2.) Vidualalem, quâ leges vidualitatis incorruptæ conservantur.. Et (3.) Conjugalem, qua officia conjugalia probè peraguntur, mutuoq; à conjugibus tribuuntur & recipiuntur..

18. Ut etiam omnis alia virtus moralis, cum in mediocritate constitut, devitanda sua extrema habet, ita & temperantia suis fugiendis neq; caret scopolis, quippe quæ ab una parte intemperantia oppugnat, quæ est vitium, quo omnis voluptatum moderatio spernitur; Ab alterâ verò parte, stupiditas seu insensatio, vitium vñz., quo planè omnis voluptas etiam quâ licita, negligitur. Ab ista plurimi, ab hac verò parte, paucissimi offendunt.

19. Sobrietati opposita vitia; in excessu est Ebrietas, strictè sic dicta, quæ è intemperantia, quâ potando in excessu, & ratione quantitatis & qualitatis sive potus generis delectu, peccatur.; In defectu, stupiditas, quæ est intemperantia, quâ quis à potu nimis abstinet, quâ non tam ratione quantitatis, quam qualitatis, sive potus generis electionis neglectu, deliratur..

20. Cum abstinentiâ verò militant, in excessu versctas, quæ est intemperantia sive vitium, quo modus in capiendo cibo, & quoad quantitatem & quoad ciborum dele-

delectum superatur; In defectu, stupiditas, de qua superius, quæ eodem modo quoq; hic scilicet exserit.

21. Castitatis impugnatores sunt, in excessu *Lascivia* sive libido, quæ est intemperantia, quia quis in conjugio constitutus nimiam, vel extra conjugium qualemcumq; operam rei dat venereæ; in defectu, *insensatio* sive nimia abstinentia à re venerea in conjugio, quod vitium in cœlibatu non est timendum.

22. Certa mensura ciborum vel potus temperanti ab Ethico prescribi non potest, sed hæc potius temperantie studiosi circumstantijs committenda, potest enim homo unus altero plus consumere & tamen æquè temperans, immò interdùm temperantior etiam esse; Hic namq; non tam *mediocritas* rei, quam *personæ* requiritur.. Quicunq; enim tantum cibi vel potus recipit, quantum refocillatio & refectio naturæ virium postulaverint, is congruenter convenienterq; naturæ vivit, quod est virtuosè vivere; Ut ex Philolophis Nobiliss: noster Gyllein Stalpe citavit, in colleg. suo Ethico, ubi agit de temperantia.. Quomodo enim senex & adolefcens, absolute considerati, possent ejusdem mensuræ & qualitatis nutrimentum æquè temperanter semel & simul consumere, quorum diversa sunt temperamenta, & hinc inæqualis calor? Idem esto iudicium de cæteris personarum circumstantijs.

23. Eodem modo de Castitate conjugali statuendum; potest quoq; ibi homo homine plus operæ rei venereæ dare, illæ sa manete castitate. Hic tamen respiciendæ erunt circumstantiæ viriulæ; conjugis personæ.

24. Cum porro virtus hostes hujus virtutis, ut cæterarum, non saltem pro securitate depravatam habent carnem, verum etiam infigatorem & aurigam Diabolum,

pro ijsdem supprimendis sedulò & devotè DE U S oran-
dus, otium & comedationes, ut eane & angve pejora, fu-
gienda, maxima diligentia in officijs adhibenda, juxta il-
lud: *Ores, sancta legas, jejunes, otia vites,*

Si servare voles corpora casta Deo.

Considerentur insuper exempla horribilia & varia, in
talibus vitijs deditis hominibus, statuta, maximè verò
horrendi cruciatus infernales, quos absq; seriā poenit-
tentia neutiquam effugi posse certum est. Atq; tan-
tum de temperantia, pro re natâ, dicta sunt.

Corollaria.

IN homine una tantum datur anima eaq; rationalis.

2. Logica systematicè accepta rectè definitur
per artem.

3. Plus est in specie quam in genere formaliter
non materialiter.

4. Studium lingvarum, Graecæ & Hebraicæ,
Theologo summe necessarium est & jucundum.

P A R A D O X O N.

Poteſt homo exiguus, debilis & mancus esse for-
tissimus.

